

Paroles de Chrétiens

Depuis le 13 juin 1995, nombreux ont été les messages de l'Église évangélique. Mais comment les paroissiens ont-ils réagi ? Nos colonnes leur sont ouvertes, nous publions les courriers que nous avons reçus (page 2) et des interventions devant les paroissiens. Vos réactions, vos paroles seront toujours les bienvenues.

Entrez

Avant de nous unir dans la Prière d'Intercession, je souhaiterais revenir, brièvement sur les événements qu'a connus notre Fenua, ces derniers jours.

Loin de moi, l'idée de juger, de condamner qui que ce soit, d'une part ce n'est ni le moment, ni l'endroit, d'autre part je n'en ai pas l'autorité ni la compétence.

Toutefois, plutôt que de parler des conséquences, je pense qu'il est plus important de chercher les raisons, les causes qui ont fait que l'on voit ce qui est arrivé aujourd'hui : des magasins, des boutiques cassés, brûlés, pillés, des appartements brûlés avec des gens qui ont tout perdu et un aéroport saccagé.

Rarement nous avons vu autant de violence. Mais aujourd'hui, je ne veux pas parler des causes Politiques ou Syndicales, mais plutôt des causes sociales.

En effet, ce qui m'a frappé le plus, c'est de voir cette Jeunesse complètement livrée à elle-même :

- Cette Jeunesse qui n'attend plus rien de personne,
 - Cette Jeunesse qui n'a pas d'emploi,
 - Cette Jeunesse qui doute, qui cherche,
 - Cette Jeunesse qui est malade.
- Et si nous avons parlé lors de notre culte de rentrée de l'École de Dimanche, de rentrée scolaire, ces Jeunes eux n'attendent aucune rentrée, ils n'auront donc aucune sortie, aucun espoir.

Aussi, ce sont à nos hommes Politiques de trouver des solutions, il appartient aussi à l'Église et à chacun de nous de réfléchir, à notre part de responsabilité, à offrir à toute cette Jeunesse sans aucune exception, sans aucune distinction, la possibilité de connaître les Évangiles, de rencontrer Jésus-Christ et l'Amour de Dieu.

Dieu nous donne l'espérance,
Dieu nous donne la vie,
Dieu nous donne sa paix,
Aussi aidons cette Jeunesse dans le doute à découvrir qu'en chacun il y a une FOI, une FOI qui sommeille, et qu'en la réveillant, l'espoir renaîtra.

Nul n'est resté insensible à ce qui s'est passé,
Aussi, tous ensemble, d'un même élan, d'un coeur, joignons-nous dans l'intercession et prions Dieu.

Gilles Fourny
Le Dimanche 10 septembre 1995
au Temple de Pirae

E NĀ HEA MAI TE ORA

Te maitai e te ino, mai te pō a uiui mai, te huru ia o te mata e hiō ra, tei te huru atoā rā o te fāito e faaōhipahia ra e te taata hiō.

I roto i te mau fifi ta tātou i ora mai, ua ravehia te ino e nā pae e piti : te nuu faēhau mā ta rātou pupuhi, te tamarī o te fenua mā ta rātou ofai. Ua fāitohia te fifi, e ua faaōtīhia e, no te feia pātoi te hape, o rātou i tāmata i te faahapa i teie Hau rahi. Aita ā rā te fenua i huehue, ua hape ē na tātou ; aita ā te mau tiā māitīhia e te nūnaa i hamama atu ra i te vaha, ua haapau-ē-hia na tātou ; aita ā te ture i haavā, ua faautuā-ē-hia na tātou.

E aha hoi te 200 000 i mua i te 50 mirioni ; e aha te peāpeā i te 200 000 ia fifi e ia māihia, mai te peu o te ora ia o te 50 mirioni.



Pato'i i te mau faahuehura, e imi faahou i te Atua.

I roto i tō na hepohepo rahi, te uiui atoā ra te pāpai taramo : E hiō ānei taū mata i te mau āivi. Te uiui atoā nei te nūnaa : E fāriū ānei i niā i te mau tiā poritita, e neva ānei i niā i te mau faaroo : e nā hea mai te ora.

E mata ē to te mau tiā poritita i te hiōraa i teie mau fifi : ua ite te tahi i te maitai rahi i te vāhi i ite ai te tahi i te ino rahi. Te mau faaroo hoi, ua āmaha atoā ia. Tei piri hau, ua māmū noa ia, no te mea ua roaa mai tā na tuhaa. Tahi ia huru o te āau mēhara : te vāvā e te mata piri. Tei pātoi, ua paruparu te reo, e ua tūtāperepere te tuuraa āvae no te mea ua feāa te tiaturiraa o te nūnaa : tāvini i te Atua, tāvini i te poritita ? Tā vai parau tē faaroo, tei hea te vairaa o te faaroo.

Ua ihu te fenua, ua ehu te feruriraa o te taata, e te reru ril māte noa atu ra. Te hau, te hau, te hau... Te hea rā hau teie e parauhā nei. Mai te houhouhūe ra te hau e faatenitenihia nei.

Te taata ia ihu, ua ite ia taata e, aita atu e rāvēā e matara ai o ia i rāpae i tō na fifi maoti rā, te hoīraa i muri, e mai reira faaāfaro mai ai i to na ēā. Ua haamehamehā rā te taata i te parau no te muri tei faahiohia mai te mea ra, o te vāhi ia no te āuāraa niho, moēhia atu ra ia na e, nō mua mai te reira vāhi, nō muri nei o ia i topa ai i roto i te fifi.

Aita atu e rāvēā e ora ai te Māohi, rahi noa atu ai to na fifi, riro noa atu ai o ia ei nūnaa iti haihai roa, maoti rā, ia fārii o ia i te hoi i te Atua ra.

Te iti e te rahi o te fifi, te faaite noa mai ra ia i to na ātea-noa-raa i te Atua.

Eere ānei e, no te moēraa te metua i te tamarī i tupu ai te mihi i roto i to na āau. Tei hinaaro rā i te fārere faahou i te metua ra, ua fārii ia i te faaruē i te vāhi ta na e pārahi ra no te hoi e fārere i te metua, tei reira hoi te hau, te maitai, e te oāoa. Na te Atua oē e aratai e te nūnaa, e tae oē i te fare metua : na te taata oē e aratai, e uāna noa atu ā to oē fifi. A tatarahapa, e a faaineine i te hoīraa i te Atua ra, na na e faaite mai i te ēā, na na atoā e tono mai i te taata no te faaite i te ēā, e hoi ihoā rā ia ora oē i te maitai e te here o te Atua.

Turo a Raapoto

Pō mahana toru 20 no Tetepa 1995
Pure Haapaeraa i Tiroama : Taloraa Tenete pene 1/1-5

«Ta tātou parau tei haapaōhia mai no teie pure haapaeraa no tātou. Tei roto ia i teie puta Tenete i te pene 1/1 o tei na o mai e :

«Hamani ihora te Atua i te rai e te fenua i te mātamua ra»

E hoa here mā e, i roto i teie nei pene parau no teie puta Tenete, ua faaite-hoioā-hia mai ia tātou te mau ōhipa moē tei tupu i te mātamua ra, i to te Atua hamaniāraa i teie nei ao. E aita roa te taata tei pāpai i teie puta i ite mata roa i teie mau ōhipa taaē e te maere rahi tei ravehia e te Atua no teie nei ao.

Ua ite pāpū rā oia nā roto i tō na faaroo, tā te varua o te Atua i faaite ia na. Oia atoā tātou te hui faaroo Teretetano. Aita tātou e faarii nei i teie mau parau nā roto i to tātou maramarama taata, nā roto rā i te faaroo anaē, ia au tei faahitihia e te taata faaroo no te puta Hepera i te pene 11/3 tei na o mai e : «No te faaroo i ite ai tātou e, no te parau a te Atua nā ao nei i hamaniāraa ai, e ere hoi te mau mea e hiōhia nei i to te hoē mau mea i itea ra». E o te tiaturiraa teie o te taata faa-

roo. E ere mai te reira te tiaturiraa o te tahi pae. Te parau rā rātou e, teie nei ao : e mea tupu noa mai ia.

Te parau nei rā tātou te hui faaroo e, e parautiā-ore te reira. Aita e ōhipa i te ao nei, mea tupu noa. E tāmuta tō te mau mea atoā, mai teie fare pure tā tātou e noho nei. Na tō na hohoā e tō na tiāraa i haapapū mai ia tātou, e nā te hoē tāmuta aravihi i faatiā ia na, e ere rā i te hoē mea tupu noa mai. Oia atoā teie nei ao, e ere ia i te mea tupu noa mai, e nā te mau natura o te ao nei i haapapū mai ia tātou i te reira e, e nā te hoē tamuta hau atu i te aravihi i hamani ia rātou. O ta tātou ia e parau nei, o te Atua taua tāmuta ra. E ere rā teie nei ao i te mea tupu noa mai. E tiaturiraa terā no te maramarama taata tei turai ia na i nia aē i te Atua, e no te rahi o tō na teōteō, parau aera e, aita e Atua. Arauaē tātou e faaroo mai ai te mau tumu i nā reira ai.

No tātou rā, te faarii nei tātou e : o te Atua te tumu hoē roa o teie nei ao. E hou te mau mea atoā nei, te vai nei, e, e vai ā o ia e amuri noa tu. I pārau-

hia e : aita to te Atua e haamatarāā e aita tona e faaōtīraa, i te vai-ore-noaraa no te mau mea atoā, inaha ! hamani ihora oia i te mau mea atoā.

E te mataitai nei tātou i te reira, to te fenua, tō niā ia na e tō roto ia na, to te moana e tō roto ia na, tō te rai e to roto atoā ia na. Ua rau te mau ūnauna tā te Atua i faaūnāunā i teie nei ao. Eita te mata e fiu ia hiō E te ite nei tātou i te reira, ua taaē roa te ōhipa a te Atua i tā te taata nei. E pārau mau, e maramarama tō te taata e te aravihi i te hamaniāraa i te tahi mau ōhipa maere, mai te manureva, te pahī hopu nā raro i te moana e te vai noa atura. Ua tae roa te taata i roto i te avaē ei faaiteraa nā na i tō na aravihi e tō na maramarama. E noa atu te reira, ua hau aē tō te Atua aravihi e tō na maramarama e tō na mana, o ia i hamani i te mau mea atoā mai roto mai i te aore. E eita roa te reira e tiā noa ite aē i te taata nei. O te Atua anaē tei hau e tei mana i niā i te mau mea atoā. Oia hoi te mana hope. E te arue nei te mau ōhipa a tō na rima ia na. «E

mea maitai anaē te mau ōhipa atoā tā te Atua i hamani». E te faahiti rā te vahi hopeā no teie nei pene pārau e : «Hio aera te Atua i te mau mea atoā tā na i hamani, e inaha, e mea maitai roa». Oia mau, e mea maitai anaē te mau mea atoā tā te Atua i hamani. Teie rā, ua tauiroa-hia tō rātou huru na roto i te tahi ōhipa moē e te maere rahi. Ua o mai te ino i roto i teie nei ao, nā roto i to te taata hiāraa, hiā i te mea ua faaroo atu o ia i te tahi reo ē atu i tō te Atua, reo taparu, reo no te faahema tei parauhā te «Tiāporo», reo tei faahahi ē roa i to rāua tiaturiraa i to rāua Atua tei hamani ia rāua ei tane e ei vahine. Reo tei faariro i to rāua Atua ei Atua haavare e tei huti i to rāua manaō i roto i te nounou e te teōteō. Titau aera rāua i to te Atua tiāraa, ia aifaito rāua i te Atua. No teie huru to rāua, ua topa teie nei ao i roto i te hara. Ta Pauro ia i faahiti i roto i tā na Epitotore i tō Roma i te pene 5 / 12, ta nā i nā o ra e : «E teie nei no te taata hoē ra i o mai ai te ino i te ao nei, e no te ino hoi te pohe, e ua taeātoā-hia te taata atoā e te pohe

i te mea ua hara paatoā». Oia mau, nā roto i to te taata faarueraa i te Atua tei hamani ia na, ua o mai i roto i to na oraraa te mau huru fifi atoā e tupu ai i roto i to na aau : - te mataū, te taiā, te riāriā, te mehameha, te horuhoru, te peāpeā etv. E no taua mau tumu ino ra, ua fanau mai i roto ia na te mau tiaturiraa rau. Ore atu ai te tiaturiraa i rototū i te taata e te taata. Hinaaro atu te tahi patireia e faatere i te tahi patireia. E no te reira tumu i tupu noa ai te mau tamai rahi riāriā, e te mau hamani-ino-raa taata.

Te hamani nei te mau patireia rarahi i te mau mauhaa tamai no te haavi i te mau patireia aita ta rātou, e te imi ra te tahi patireia. i te raveā no te hoo mai i taua mau mauhaa tamai ra no te pāruu ia rātou, riro atu ai teie ōhipa ei imiraa moni nā te mau patireia rarahi o te ao nei.

Aita te māimiraā a te taata i faaea noa i niā i teie mau mauhaa tamai, e nā roto i ta na māimiraā, ua itea ia na te tahi mauhaa tamai hau atu i te riāriā e te ino rahi. Taua mauhaa tamai ra (o ta tātou ia e pārau